

四庫全書

史部

欽定四庫全書

皇朝通典卷三十一

職官

九

八旗都統

副都統
佐領

參領
驍騎校

副參領
筆帖式

八旗都統滿洲蒙古漢軍旗各一人 副都統旗

各二人分掌滿洲蒙古漢軍二十四旗之政令以

宣布教養整詰戎兵釐治土田稽覈戶口 八旗

驍騎參領滿洲旗各五人蒙古旗各二人漢軍旗

各五人 副驍騎叅領各如叅領之數掌受都統

副都統之政令以頒于佐領而行之 八旗佐領

滿洲六百八十人蒙古二百有四人漢軍二百六

十六人 驍騎校每佐領下一人掌稽所治人戶

田宅兵籍以時頒其職掌 印務叅領滿洲旗各

二人蒙古旗各一人漢軍旗各二人

於本旗叅領內選充

印務章京滿洲旗各八人蒙古旗各四人漢軍旗

各六人

於佐領驍騎校世職內選充

印務筆帖式滿洲旗各

八人蒙古旗各四人漢軍旗各六人

於生監甲兵內選充

隨印外郎漢軍旗各一人蒙古旗各一人

於漢軍官學生

內考充

掌章疏文移案牘及繙譯行遣之事

雍正七年每旗

設左右司掌關防恭領章京及司務等員十三年俱省改設印務恭領章京筆帖式員額乾隆元年定

聖朝自龍興東土諸部以次削平歸附日衆

太祖高皇帝辛丑年始編三百人為一牛录每牛录設額

真一先是我國出兵校獵不論人數衆寡各隨族黨屯寨而行每人各取一矢十人設長一領之其

長稱為牛录額真至是遂以名官尋復定戶籍分為四旗曰黃旗曰白旗曰紅旗曰藍旗以純色為辨乙卯年以初設四旗為正黃正白正紅正藍增設鑲黃鑲白鑲紅鑲藍四旗黃白藍均鑲以紅紅鑲以白合為八旗每三百人設一牛录額真五牛录設一甲喇額真五甲喇設一固山額真每固山額真設左右梅勒額真二人以佐之天聰八年改梅勒額真以下為章京惟固山額真如故其隨固

山額真行營馬兵定為阿禮哈超哈

此為驍騎營之始

九

年分設蒙古八旗旗色官制與滿洲八旗同崇德二年始立漢軍二旗四年以漢軍二旗分為四旗七年定設漢軍八旗旗色官制與滿洲蒙古八旗同順治十六年鑄給八旗都統二十四印十七年定制固山額真漢字稱為都統梅勒章京漢字稱為副都統雍正元年改八旗都統印滿文固山額真字為固山按班漢名如舊凡八旗序次以鑲黃

正黃正白為上三旗正紅鑲白鑲紅正藍鑲藍為
下五旗行軍蒐狩以鑲黃正白鑲白正藍四旗居
左為左翼正黃正紅鑲紅鑲藍四旗居右為右翼
至除授官職公差踐更以上下旗為辨朝祭班列
旗籍界址以左右翼為辨京城八旗方位左翼自
北而東自東而南鑲黃旗在安定門內正白旗在
東直門內鑲白旗在朝陽門內正藍旗在崇文門
內右翼自北而西自西而南正黃旗在德勝門內

正紅旗在西直門內鑲紅旗在阜成門內鑲藍旗
在宣武門內四周星拱以環衛

宸居焉以下管甲喇者即為甲喇章京順治八年定甲
喇章京漢字稱為叅領滿字如舊康熙三十四年
每甲喇增置委署叅領各一人於世爵佐領等員
內選用雍正元年改為副叅領七年又增置左右
司掌關防叅領旗各二人十三年省至滿洲牛录
天命元年始編置八年增編蒙古牛录天聰四年

增編漢軍牛录八年制管牛录者即為牛录章京
順治十七年定牛录章京漢字稱為佐領分得撥
什庫漢字稱為驍騎校滿文如舊佐領所治以三
百人為率丁口滋生則遞有增設今以現數計之

滿洲佐領鑲黃旗八十六人正黃旗九十三人

內一

人半個佐領一人
兼辦番子弟務

正白旗八十六人正紅旗七十

四人鑲白旗八十四人鑲紅旗八十六人正藍旗

八十四人鑲藍旗八十八人

內一人半
個佐領

蒙古佐領

鑲黃旗二十八人正黃旗二十四人正白旗二十
九人正紅旗二十二人鑲白旗二十四人鑲紅旗二
十二人正藍旗三十人鑲藍旗二十五人漢軍佐
領鑲黃旗四十一人正黃正白二旗各四十人正
紅旗二十八人鑲白旗三十人鑲紅正藍鑲藍三
旗各二十九人佐領之制有世襲有公中世襲佐
領有四等

國初各部落長率其屬來歸授之佐領以統其衆爰

及苗裔者曰勲舊佐領其率衆歸誠功在旂常得
賜戶口者曰優異世管佐領其僅同弟兄族里來歸因授
之以職奕葉相承者曰世管佐領其戶少丁稀合
編佐領兩姓三姓迭為是官者曰互管佐領皆以
應襲者引

見除授公中佐領則以八旗戶口蕃衍於康熙十三年以
各佐領撥出餘丁增編佐領使旗員統之有缺則
以本旗不兼部務之大臣世爵及五品以上文武

官內簡選除授馬滿洲蒙古每佐領下領催五人
驍騎二十人弓匠一人鞍匠或鐵匠一人漢軍每
佐領下亦領催一人鳥鎗驍騎四十一人擡鹿角
兵八人每旗藤牌兵一百人礮手四十人又定制
八旗有值年公署歲列都統副都統銜名奏請

簡派掌八旗會理之事選左右翼官校之賢能者分治
之領催驍騎掌書鈔各舉職以從其長課事考成
歲終則會已結未結之事彙疏以

聞所屬之稱職者於每歲更代日咨本旗以應陞註冊
立法最為詳備云

領侍衛內大臣

內大臣

散秩大臣

御前乾

清門侍衛

一等侍衛

二等侍

衛三等侍衛

藍翎侍衛

親

軍校

侍衛處主事

筆帖式

三旗領侍衛內大臣六人

鑲黃正黃正白三旗每旗各二人

掌統

領侍衛親軍 內大臣六人散秩大臣無定員俱

掌先後

宸御左右翊衛出入扈從

國初以八旗將士平定海內鑲黃正黃正白三旗皆天子所自將爰掄其子弟命曰侍衛用備隨侍宿直統以勲戚大臣而宗室之秀外藩之侍子亦咸得以選預環列焉凡輪直殿廷以領侍衛內大臣等總統之若

朝會燕饗

時巡

大閱則率其屬以執事領侍衛內大臣皆由

特簡內大臣亦如之散秩大臣由

特恩簡授無定額其勲舊後裔世襲者以次承襲

御前侍衛

乾清門侍衛俱無定員

於三旗侍衛內選用

一等侍衛三旗六

十人宗室九人二等侍衛三旗一百五十人宗室

十八人三等侍衛三旗二百七十人宗室六十三

人藍翎侍衛三旗九十人漢人侍衛無定員

分一二三等

等及藍翎侍衛

掌宿衛扈從更番輪直凡六班班分兩翼

宿衛

乾清門

內右門

神武門

寧壽門為內班宿衛

太和門為外班

行幸駐蹕宿衛如

宮禁之制扈從前導領侍衛內大臣侍衛班領帶領

執豹尾槍侍衛佩長把刀侍衛扈從隨行侍衛班
領委署侍衛班領侍衛按隊扈從隨行其散秩大
臣侍衛什長帶領執燾親軍扈從隨行

大閱則按隊環衛各共其事其分司職守者有粘竿處
侍衛三十四人上駟院侍衛二十四人養鷹狗處
侍衛九人善撲處武備院及諳達侍衛無定員皆
統于三旗員額順治初以漢廕生簡選侍衛尋罷
康熙二十九年以武進士之嫺騎者擢置侍衛附

於三旗三十七年設宗室侍衛雍正三年于藍翎侍衛中選其才技為四等侍衛後仍為藍翎侍衛五年定制武進士一甲一名授一等侍衛二名三名授二等侍衛在二甲者得選三等侍衛三甲者選藍翎侍衛七年以宗室侍衛併入三旗舊設三旗印務班領十二人班領十二人乾隆三十六年改印務班領為一等侍衛班領為二等侍衛凡侍衛十人則設之長三旗侍衛什長六十人宗室侍

衛什長九人 親軍校鑲黃旗二十五人正黃旗

二十六人正白旗二十五人掌率其屬隨侍衛以

執事所轄藍翎長三旗各八人親軍鑲黃旗二百

七十七人正黃旗二百九十五人正白旗二百八

十七人舊設親軍校四十五人後增置乾隆四十

年增設委署親軍校七十七人

鑲黃旗二十五人
正黃旗正白旗各

二十
六人主事一人署主事二人

于筆帖式
內題署筆帖

式三旗各四人貼寫筆帖式三旗各九人掌章奏

案牘繙譯文移

前鋒統領

叅領

前鋒侍衛

前鋒校

筆帖式

前鋒統領左右翼各一人以王公大臣兼領掌本翼

四旗前鋒之政令

鑲黃正白鑲白正藍四旗為左翼正黃正紅鑲紅鑲藍四旗為

右

前鋒叅領前鋒侍衛左右翼各八人

凡前鋒營各官

皆滿洲蒙

委署前鋒侍衛左右翼各四人

以前鋒校

古軍用

或親軍校選委

前鋒校左右翼各四十八人掌

給五品冠帶

督率前鋒警蹕宿衛凡

行幸止頓於

御營一二里外安設卡倫立前鋒旗以為門戶列帳守
衛以前鋒叅領前鋒侍衛共四人前鋒校前鋒共
百二十人董其役焉初制天聰八年定巴雅喇營
前哨兵為噶布什賢超哈順治十七年定噶布什
賢噶拉依按班漢字稱為前鋒統領每翼各設一
人以總其事焉又

國初設噶布什賢章京順治十七年定為前鋒叅領

並置前鋒侍衛前鋒校等員額乾隆十七年增置

委署前鋒侍衛旗各一人前鋒軍八旗滿洲蒙古

每佐領各二人分其半以兼習鳥鎗設立什長隊

長以時訓練而黜陟之 隨印協理事務前鋒叅

領侍衛左右翼各一人 隨印前鋒校左右翼各

二人 隨印筆帖式左右翼各二人掌案牘文移

護軍統領

叅領 司鑰長 副叅領 護軍校 隨印叅領等官 圓明園護軍營統領等官

護軍統領每旗各一人掌護軍之政令 護軍

叅領每旗滿洲十人蒙古四人 內司鑰長署司

鑰長每旗各一人

以前鋒叅領護軍叅領烏鎗護軍叅領遠選除授

副

護軍叅領每旗滿洲十人蒙古四人 委署護軍

叅領每旗各七人

以護軍校選委給五品冠帶

護軍校滿洲

蒙古每佐領各一人掌董率護軍守衛

宮殿門戶及

紫禁城外環列周廬番上宿直傳籌巡警凡禁門扃

鑰啟閉以時置籍以驗出入

車駕行幸則宿衛

御營專司網城堆鋪及清道警蹕之禁令 隨印協理

事務護軍叅領副護軍叅領每旗各一人 隨印

護軍校每旗各二人 隨印筆帖式每旗各二人

門筆帖式鑲黃正黃正白三旗各十人掌案牘

文移

圓明園八旗護軍營總統無定員以王公大臣兼任

掌

圓明園翊衛之政令 營總護軍叅領每旗各一人

副護軍叅領每旗各二人 護軍校每旗各八

人 副護軍校每旗各八人掌守衛

御園番直巡警凡

車駕出入則率其屬以司清蹕之事 隨印協理事務

營總護軍叅領各二人 隨印護軍校四人 隨

印筆帖式八人掌案牘文移初設巴雅喇營統以

巴雅喇轟章京順治十七年定漢字稱為護軍統

領設員額如今制又初設巴雅喇營甲喇章京順
治十七年定漢字稱為護軍叅領又設署護軍叅
領乾隆十七年復設委署護軍叅領員額護軍八
旗滿洲蒙古每佐領各十七人初制以上三旗護
軍叅領護軍校護軍等守衛

禁門下五旗各守王公府門遇

行圍出征則八旗一例分撥雍正七年始定八旗護
軍均司禁衛焉又隨印叅領副叅領及護軍校俱

雍正三年定隨印筆帖式初制每旗各一人康熙四十六年省門筆帖式初制未設後增置又

圓明園八旗護軍總統雍正二年始置於

禁苑周圍建營房八所選

京中八旗官軍分地駐劄專司宿直以王公大臣統轄營務焉至營總副叅領署副叅領俱雍正三年置叅領雍正十年增置護軍校初置八十人雍正十年增置三十二人乾隆十二年又增十六人

副護軍校雍正七年置初定七十二人十年增置
四十人乾隆十二年又增十六人護軍三千六百
七十二人教養兵四百八十人又隨印營總護軍
叅領護軍校筆帖式員額俱乾隆十六年置

御營嚮導總統無定員

以前鋒統領護軍統領
旗副都統兼任

嚮導處

叅領侍衛各四人 前鋒校護軍校各六人

皆于
前鋒

護軍營

內選用 嚮導之職凡遇

時巡省方以總統一人先期率官校詣

車駕經行之地周覽山川通橋梁夷險隘計程入告

駕行佩橐鞬前導每日

駐蹕後以次日程途及

駐蹕之所奏

聞交兵部曉諭關營

回鑾亦如之凡

御營及頓營看營均由嚮導總統先期指示飭所在有

司敬謹修治焉

謹按嚮導雖無專設之員非定有
常額者可比然翊衛

營蹕責

任綦重今以隨時
蘭仕昔
皆在前鋒護軍管官內謹附識

步軍統領

翼尉

協尉

副尉

步軍校

城門

事

司務

筆帖式

巡捕

五營

副將

祭將

主

遊擊

都司

守備

千總

把總

提督九門巡捕五營步軍統領滿洲一人以親信

大臣兼任之掌京城內外門禁鎖鑰統帥八旗步

軍五營將備以徼巡京師詰禁奸宄平易道路肅

清

輦轂

左右翼步軍翼尉每翼各一人 八旗步軍

協尉每旗各三人 步軍副尉每旗各三人 掌董
率守衛巡警掃除 捕盜步軍校每旗滿洲三人
蒙古漢軍各一人 掌緝捕盜賊稽察奸宄 步軍
校每旗滿洲二十一人 蒙古漢軍各八人 委署
步軍校每旗滿洲五人 蒙古漢軍各二人 掌分汛
警夜清道詰奸 城門領滿洲十八人 漢軍七人
城門吏滿洲十八人 漢軍七人 門千總漢軍
三十二人 掌內城九門外城七門晨昏啟閉之事

以嚴出入稽詐偽 步軍統領衙門員外郎滿洲
二人 主事滿洲二人掌勾檢旗營簿書 司務
滿洲一人掌稽察簿籍兼理俸餉 筆帖式滿洲
十有二人掌文移繙譯 信礮總管滿洲一人
司信礮官漢軍旗各一人掌守白塔信礮 巡捕
中營副將一人遊擊一人都司一人守備四人千
總十人把總二十人 巡捕南營叅將一人遊擊
一人都司一人守備五人千總十二人把總二十

四人 巡捕北營叅將一人遊擊一人都司一人
守備三人千總八人把總十六人 巡捕左營叅
將一人遊擊一人都司一人守備三人千總八人
把總十六人 巡捕右營叅將一人遊擊一人都
司一人守備三人千總八人把總十六人掌分汛
防守譏察巡邏緝捕姦匪初置九門步軍巡捕三
營皆領於兵部職方司以漢人主事一員專司政
令康熙十三年始改設提督九門步軍統領一員

特簡八旗大臣綜理其事三十年以巡捕三營併隸於步軍統領乾隆四十六年以所轄三營地方遼濶增為巡捕五營舊設有協理步軍統領衙門刑名事務部臣一人乾隆四十三年省如步軍統領有以都統副都統任者仍用部臣一人協理至翼尉本名總尉康熙十三年置協尉本名副尉順治五年置副尉本名叅尉雍正四年置乾隆十九年俱改今名步軍校順治中置捕盜步軍校委署步軍

校俱康熙三十四年置所屬凡領催二千二十八人步軍一萬八千七百二十六人捕盜步軍三百二十人乾隆四十六年增步軍二千二十六人員外郎初置一人康熙六十一年增一人司務雍正十三年增置筆帖式初置四人康熙三十年增四人雍正十三年又增四人又城門領初名城門尉城門吏初名城門校乾隆十九年俱改今名其員額內城每門各二人外城每門各一人門千總初

名指揮千戶順治四年改置內外城每二人所屬
凡門甲三百二十人門軍六百四十人礮手每門
各二人又順治十年定置信礮五于白塔山及內
九門各置信礮五設信礮官漢軍左右翼各二人
以司其事雍正二年改定員額如今制乾隆八年
定歸于步軍統領管轄又

紫禁城內西甬子河舊置步軍校二人步軍四十人
以備緊急差傳乾隆四十八年增置協尉一員步

軍六十名移駐造辦處外圍地方焉又初制巡捕
分南中北三營轄十九汛置官七十員馬步兵
五千一百名乾隆四十六年增為中南北左右五
營分設二十三汛所置各汛名目中營汛五曰

圓明園汛

暢春園汛

靜宜園汛樹村汛

樂善園汛南營汛六曰東河沿汛東珠市口汛花兒

市汛西河沿汛西珠市口汛菜市口汛北營汛四
曰德勝汛安定汛東直汛朝陽汛左營汛四曰正
陽汛東便汛廣渠汛左安汛右營汛四曰阜成汛
西便汛廣寧汛永定汛共置官一百七十一員增
兵四千九百名合為一萬分馬戰守糧額仍撥兵
二千依健銳營制以時操演訓練武備各置有外
委千總把總以司協防操演之事並募民充番捕
人役以伺察旗民牙錯星羅法制益加詳密焉

火器健銳虎鎗各營

火器營總統 翼長 營總

委署護軍校 筆帖式 烏鎗護軍叅領 副叅領

帖式 健銳營總統 翼長 前鋒叅領 副叅

領 委署叅領 前鋒校 副前鋒技 筆帖式

虎鎗營總統 總領 虎鎗長 副長 筆帖

式 委署

筆帖式

火器營總統六人

以王公或領侍衛內大臣都統前鋒統領護軍統領兼任

掌

教演火器之政令

火器營左右翼翼長各一人

八旗掌關防營總每旗各一人

委署翼長 二人在內 烏

鎗護軍叅領每旗各二人兼管礮位每旗各一人

委署烏鎗護軍叅領每旗各四人 又五品頂

帶花翎委署烏鎗叅領十人

由烏鎗護軍校內故

烏鎗護

軍校每旗二十八人 筆帖式每旗各二人

於護軍內

選用

掌訓練火器較試以時每歲秋後於蘆溝橋演

放子母礮咸率其屬以從事焉初康熙三十年始

置火器營設烏鎗護軍每人各給烏鎗一八旗各

給子母礮五專司練習火器以王公大臣無領初

無定員雍正年間始定置六人乾隆十年以朝陽

門內隆福寺前官房一所為火器營公署三十八年移住一半於廣仁宮後之御河旁列為一營以去城市遠俾得專心訓練焉其所移住御河旁一營兼在昆明湖教習水戰營總乾隆二十九年置鳥鎗護軍叅領初設十六人均以旗員無任雍正三年省察哈爾八旗護領改入火器營定為專設之缺乾隆二十九年省八人又初制有鳥鎗驍騎叅領二十四人鳥鎗驍騎校一百十二人乾隆三

十五年省驍騎叅領以驍騎校額併入護軍校內即以副護軍叅領兼管礮位委署護軍叅領如今額又有烏鎗藍翎長每旗二十八人八旗滿洲蒙古漢軍每佐領下烏鎗護軍六人礮驍騎一人

健銳營總統無定員

以公侯大臣兼任

掌健銳營之政令

督率所屬以時訓練 健銳營左右翼翼長各一

人 八旗前鋒叅領每旗各一人 副前鋒叅領

每旗各一人 委署前鋒叅領每旗各二人

即於前鋒

校內

選委

前鋒校共五十人 副前鋒校共四十人

即於前鋒

內選用

筆帖式四人

即於前鋒內選
用仍食原餉

前鋒

軍演習水師教習漢人侍衛十人把總十人掌帥
領營卒習雲梯馬步射鳥鎗馳馬躍馬舞鞭舞刀
之技每遇

巡幸則分其軍十之二以共隨扈之事又於昆明湖置
趕繒船八艘以教水戰駕船駛風咸精於其藝焉
乾隆十四年於八旗前鋒護軍內簡雲梯精卒千

人從征金川功成凱旋

命以其衆特立為健銳雲梯營於香山寶勝寺傍建屋以居之其官屬皆設為定額而以公侯大臣兼理營務有缺則請

旨特簡焉至翼領等官俱乾隆十四年置委署前鋒叅領副前鋒校水師教習侍衛俱乾隆十八年增置水師把總由天津及福建水師營選送天津四人福建八人又藍翎長共五十人前鋒千人委署前

鋒千人養育兵百人水手七十二人

三旗虎鎗營總統一人

以公侯領侍衛內大臣兼任

三旗總

領各二人

以內大臣都統前鋒統領護軍統領副都統侍衛簡用

虎鎗長

每旗各七人

虎鎗副長每旗各七人

均於虎鎗人內選用

筆帖式三人

委署筆帖式三人掌以虎鎗翊

從凡遇

車駕蒐狩虎鎗總統總領日以十人佩虎鎗於前導侍

衛前行安營後偵虎豹出入備伏弩箭犁刀

行田遇大獸則列鎗從之奉

旨殪虎或追蹤或尋山得則具奏以獻將首先刺虎一
二人名奏

聞初康熙二十三年黑龍江將軍進精騎射善殺虎新
滿洲四十人至京分隸上三旗始制虎鎗營設官
以領之三旗虎鎗人共六百人於侍衛叅領親軍
校親軍前鋒校前鋒護軍校護軍驍騎校驍騎領
催及閒散人內選用初制設三百六十人雍正元

年增置每旗各八十人內虎鎗人四百八十人學習虎鎗人一百二十人虎鎗總統總領馬褂以黃色鎗長以紅色虎鎗人以白色衿均鑲以青乾隆三年始鑄給關防焉

臣等謹按荀子稱齊之技擊不可以遇魏之武卒魏之武卒不可以值秦之銳士自古有國家者于兵制常額之外必有選鋒之軍訓練之衆教養於平時而收其效于一旦以資指臂而壯聲靈所關

甚鉅我

朝法制周密軍威整肅康熙中特置火器營以練習
鎗礮虎鎗營以格殪猛獸政一令專技精藝熟為
前代所未有我

皇上聖武維揚萬方震疊自歲己巳始以雲梯勝兵
置健銳營於香山勁旅如雲無不一當千百復以
歲時

親臨簡閱號令嚴明節制有方屹為干城腹心之選嗣

是

王師撻伐所至蕩平搗穴擒渠是軍實宣勞著績仰見
睿謨廣運條畫精詳儲材豫而收效遠洵為超軼前代
云

皇朝通典卷三十一

欽定四庫全書

皇朝通典卷三十二

職官 十

宗室封爵

王府官屬

公主府官附

宗室封爵十有四等一和碩親王二世子三多羅
郡王四長子五多羅貝勒六固山貝子七鎮國公
八輔國公九不入八分鎮國公十不入八分輔國
公十一鎮國將軍十二輔國將軍十三奉國將軍

欽定四庫全書

皇朝通典
卷三十二

十四奉恩將軍

天潢宗派以

顯祖宣皇帝本支為宗室伯叔兄弟之支為覺羅宗室束
金黃帶覺羅束紅帶諸王授封以素行為封號和
碩親王親王世子皆金寶龜鈕多羅郡王飾金銀
印麒麟鈕

皇子生十五歲由宗人府請封其爵級出自

欽定親王郡王適福晉所生子二十歲後由宗人府請

考試親王適子奉

特旨始封世子其未封世子者與餘子同授封爵餘子

考授不入八分公

天命年間立八和碩貝勒共議國政各置官屬凡朝會燕饗皆

異其禮至貝子准入八分如有過降至公仍不入八分

郡王適子奉

特旨始封長子其未封長子者亦與餘子同授封爵餘

子考授一等鎮國將軍貝勒適子降襲貝子餘子

考授二等鎮國將軍貝子適子降襲鎮國公餘子

考授三等鎮國將軍鎮國公適子降襲輔國公餘
子考授一等輔國將軍輔國公適子世襲餘子考
授二等輔國將軍不入八分鎮國公適子降襲不
入八分輔國公不入八分輔國公適子降襲三等
鎮國將軍餘子均考授三等輔國將軍一二三等
鎮國將軍適子各降襲一二三等輔國將軍餘子
均考授三等輔國將軍一二三等輔國將軍適子
各降襲一二三等奉國將軍餘子均考授三等奉

國將軍一二三等奉國將軍適子均降襲奉恩將軍餘子均考授奉恩將軍其奉恩將軍既無可降之品級將奉恩將軍適妻所生子但准一子考試承襲奉恩將軍餘子停封為閑散宗室酌量人才優者奏請考試准食雲騎尉俸凡王爵由軍功得者世襲罔替由

恩封者以次遞降以功加封者自奉恩將軍遞加一等至和碩親王親王有功酌賞金銀其以過降封者

自和碩親王遞降一等至奉恩將軍無級可降則
為閑散宗室亦月有贍銀歲給祿米婚喪嫁娶特
加

恩賜康熙二十七年定考試法王貝勒以下至奉恩將
軍之子應授封者考試國語及馬步射優者封應
得之爵平者降一等劣者降二等封授乾隆八年
定親王側福晉子考授二等鎮國將軍郡王側福
晉子考授三等鎮國將軍貝勒側室子考授一等

輔國將軍貝子側室子考授二等輔國將軍鎮國
公側室子考授三等輔國將軍輔國公側室子考
授一等奉國將軍親王妾媵子考授三等輔國將
軍郡王妾媵子考授三等奉國將軍貝勒貝子妾
媵子均考授奉恩將軍其餘妾婢所生子為閑散
宗室不授封十一年定考試法其學業平庸者降
等封授奉恩將軍無級可降如考試降等仍授奉
恩將軍停俸三年又定世子之適子

恩封不入八分公如未

恩封與餘子同授封爵餘子考授一等鎮國將軍側福
晉子考授三等鎮國將軍妾滕子考授三等奉國
將軍長子之適子

恩封一等鎮國將軍如未

恩封亦與餘子同授封爵餘子考授二等鎮國將軍側
福晉子考授一等輔國將軍妾滕子考授奉恩將
軍三十九年又定親王世爵遞降之法親王遞降

至鎮國公郡王遞降至輔國公貝勒遞降至未入
八分鎮國公貝子遞降至未入八分輔國公鎮國
公遞降至一等鎮國將軍輔國公遞降至一等輔
國將軍俱世襲罔替四十三年以睿親王有贊翊
功

特命配享

廟廷追諡續封豫親王肅親王鄭親王克勤郡王子孫皆
復原封號以罪廢之果親王亦還其屬籍四十七

年復定親王之子給以一品章服郡王貝勒以下俱照蒙古王公台吉塔布囊等嗣子之例給與三品頂帶其餘閑散宗室一概給與四品頂帶於四十八年新正

賜宴

乾清宮又廣宗室御史及

陵寢官員額令咸得以才自効云

臣等謹按宗室王公封爵雖與官制不同而杜氏

通典及列代史志皆系之職官一門今從其體例
詳加詮次並以王府官屬公主府官屬附後

長史親王府世子郡王府長子各一人 司儀長

貝勒一人掌府中之政令率僚屬以各共府事員

額並順治八年定乾隆十八年奏准諸王長史貝

勒司儀係首領官若僅於所屬官內補授恐有遷

就嗣後員缺於下五旗前鋒護軍驍騎各叅領及

世職官與所屬應陞人員簡擬正陪送部引

見補授凡王府以下各官自五品以上出缺引

見補授六品以下咨送兵部補授 散騎郎親王府四

人世子郡王府三人長子二人掌佐長史理府事

皆以世職領之初制每旗各設散騎郎無定員雍

正四年定制各王屬下散騎郎仍舊選充貝勒貝

子等散騎郎俱停止 護衛親王府二十人 一等六人

二等六人世子十七人 一等六人二等五人三等六人郡王府十

五人 一等五人二等四人三等六人長子十二人 一等二人二等四人三等六人

貝勒十人二等六人三等四人貝子六人公四人俱三等掌

隨護宿衛王府護衛自二等以下均戴藍翎初制

為正品乾隆十九年護衛典儀俱改為從品典

儀親王府六人從四品二人從六品二人世子五人從四

品一人從五品郡王府四人從五品各二人長子三

人從五品二人從六品一人貝勒三人從五品一人從六品二人貝子三人

從六品一人從七品二人公三人從七品一人從八品二人掌儀節導引

五旗王公府屬叅領旗各五人佐領旗各七人驍

騎校每佐領下一人掌王府所屬旗籍之政令凡田賦戶口出納盈縮之數綜其實而稽之管領

親王府四人郡王府三人掌王府文移及遣委之事典膳親王府一人郡王府一人掌王府之膳羞司庫親王府二人郡王府二人掌會計王府之庫藏司匠親王府四人郡王府四人掌王府繕造修葺之事牧長親王府四人郡王府三人掌王府之牧事親王府馬羣牧長二人牛羣羊羣

牧長各一人郡王府馬羣牛羣羊羣牧長各一人

公主府官長史固倫公主府一人

藍三品
銅品

和碩公主

府一人

藍四品
銅品

護衛固倫公主府五人

頭等一人
二等二人

三等二人和碩公主府三人

二等二人
三等一人

典儀固倫公

主府二人

俱六品

和碩公主府二人

六品一人
七品一人

長史

掌府中之政令護衛掌隨護宿衛府門典儀掌儀

節導引凡公主下嫁此項護衛員數向未有等級

例由陪嫁人戶內揀補咨明內務府註冊乾隆五

十一年定額不必拘定陪嫁人戶聽從公主揀放

世爵世職 聖賢後裔世職并行聖公官屬附

世爵世職之等有九曰公曰侯曰伯曰子曰男曰

輕車都尉曰騎都尉曰雲騎尉曰恩騎尉自公至

輕車都尉又各有三等

授爵自雲騎尉始雲騎尉
製一次加一雲騎尉則合

為騎都尉製二次再加為騎都尉兼一雲騎尉製

三次再加為三等輕車都尉兼四雲騎尉製

輕車都尉製五次再加為一等輕車都尉兼六雲騎尉製

再加為一等輕車都尉兼一雲騎尉製七次遞加

至三等男兼八雲騎尉製九次一等男兼十雲騎尉製

一等男兼一雲騎尉製十一次三等男兼十二雲騎尉製

二等子襲十三次一等子襲十四次一等子襲一
雲騎尉襲十五次三等伯襲十六次二等伯襲十
七次一等伯襲十八次一等伯襲一雲騎尉襲十
九次三等侯襲二十次二等侯襲二十一
次一等侯襲二十二次一等侯襲一雲騎尉襲二十三
次三等公襲二十四次二等公襲二十五次一等公
襲二十六次內有因陣亡給與者襲次已完仍授恩騎尉令其世襲公侯伯子男輕

車都尉騎都尉雲騎尉恩騎尉之爵以褒叙勲績
酬庸懋賞次第其功績之大小而錫以世襲之等

國初定世爵自公至拖沙喇哈番共八等凡授爵自
拖沙喇哈番始如拖沙喇哈番加一拖沙喇哈番

則合為一拜他拉布呼哈番再加則為拜他拉布
呼哈番兼一拖沙喇哈番再加為三等阿達哈哈
番遞加至一等阿達哈哈番如再加一拖沙喇哈
番則為一等阿達哈哈番兼一拖沙喇哈番再加
則為三等阿思罕尼哈番積拖沙喇哈番二十有
六則為一等公開創功臣策勲錫爵與河山共永
封爵在順治七年九年

恩詔以前者世襲罔替或論功在

詔後立功在

詔前者亦世襲罔替其給予

敕書注明世次者仍按次承襲自後凡有忠誠宣力懋建
軍功膺授功爵者除奉

特旨世襲罔替外其餘自拖沙喇哈番襲一次遞加至一
等公襲二十六次至一等公以上爵無可加令以
適子襲一等公以別子襲其餘爵康熙元年定凡
世爵合并至公侯伯者其子弟承襲時照原繫幾

人之爵仍與幾人分襲雍正元年定一二三等公

各錫以美名

如襲績公忠達公等

其外戚則倣古恩澤侯義

命為承恩公乾隆元年總理王大臣奏定精奇尼

哈番以下世爵清文並改用漢文精奇尼哈番為

一二三等子阿思罕尼哈番為一二三等男阿達

哈哈番為一二三等輕車都尉拜他拉布呼哈番

為騎都尉拖沙喇哈番為雲騎尉其清文從舊十

四年定一二三等侯伯亦各錫以美名

如奉義侯敦惠伯等

自後膺封爵者凡勲猷殊等皆奉

特旨定錫嘉號十五年定自一等公襲二十六次至雲
騎尉襲一次均按所開襲次載入

誥敕又定陣亡人等子孫襲次已完者賞七品京官令
其世襲罔替十六年世襲七品官定為恩騎尉與
國初所定共為世爵九等 凡軍功議叙授爵戰功
有功牌五等自一等至五等皆全者授雲騎尉多
一倍至數倍者由雲騎尉遞加攻城視城之大小

攻之難易分六等自輕車都尉以次遞減水戰以舟之大小分三等自騎都尉以次遞減其升降又各視其官職之大小準其功之差等而上下焉

詳見

會典

衍聖公

世襲正一品

掌奉至聖孔子闕里廟祀順治元

年題准封爵一如前朝階正一品班列尚書上二年改

賜三臺銀印十三年依例授光祿大夫十六年依例給清

漢文三臺銀印乾隆十四年改給清漢篆文一品
三臺銀印有大慶典衍聖公並蒙

錫蔭初公階正一品而蔭子則仍依正二品康熙六十

一年始視正一品廕一子五品官著為例 聖賢

後裔翰林院五經博士二十七人

正八品
俱世襲

孔氏北

宗一人掌奉中庸書院祀南宗一人掌奉衢州孔

子廟祀元聖周公後裔二人復聖顏子宗聖曾子

亞聖孟子先賢仲子閔子冉子伯牛冉子仲弓端

木子言子卜子顓孫子有子周子明道程子伊川
程子張子邵子後裔各一人朱子後裔二人先儒
韓子後裔一人關氏後裔三人各掌奉其先世之
祀孔氏北宗以衍聖公次子承襲餘並以嫡子襲
孔氏顏氏曾氏孟氏東野氏仲氏閔氏冉氏端木
氏卜氏言氏顓孫氏有氏博士十五人屬於衍聖
公餘各就其家除授有缺則督撫核明應襲之人

咨部題請承襲

聖裔太常寺博士一人

正七品
世襲

掌奉聖澤書院祀以衍聖公第三子承襲 聖裔

國子監學錄二人

正八品

一奉尼山書院祀一奉洙

泗書院祀並由衍聖公於族內選用 聖裔國子

監學正一人

正八品世襲

掌奉儀封聖廟祀順治八年

衍聖公奏准世襲如故 聖裔世襲六品官一人

掌分獻崇聖祠

國初仍前代曲阜用孔氏世職知縣乾隆六年山東
巡撫白鍾山言曲阜知縣向由衍聖公保舉選用

每多瞻徇請在外揀選調補不必拘用孔氏奉

旨允行以現任世職知縣授為世襲六品官遇有缺出

揀選調補悉照執事官之例 四氏學教授一人

正七品 學錄一人 正八品

教授掌訓課孔顏曾孟四氏

生徒以學錄文行兼優歷俸六年者陞補學錄掌

副教授訓迪生徒於孔氏歲貢廩生捐貢及廩生

內選用初教授學錄止由衍聖公保舉咨部除授

乾隆二十六年山東布政使奏定令衍聖公將揀

選應補人員移送撫臣驗看送部具題 聖廟執

事官四十人

三品二人 四品四人 五品六人 七品八人 八品十人 九品十人

掌凡

祭祀分獻及爵帛香祝之執事雍正四年

特旨增設各按品級給章服著衍聖公於孔氏子孫內選

擇人品端方威儀嫺雅者報部充補每年各給俸

祿銀二十兩以曾經出仕而退休在籍或身有職

銜而未曾出仕以及貢監生童等皆可入選 司

樂一人掌樂章樂器而教肄樂生 奎文閣典籍

一人掌奎文閣書籍及禮生 屯田管勾一人

以上

並正七品

掌祀田錢穀之出入祭祀則供其牲牷粢盛

治膳羞醢醢之屬其屬有屯官八員鉅野鄆城平

陽各二人東阿獨山二屯各一人分掌五屯以供

祀事

孔林守衛司百戶一人

秩視衛守備

掌稽察戶

籍供其洒掃戶役之事主守禮器祭祀則司滌濯

掌犧牲之宰割

知印一人掌書一人書寫一人

掌公府文書信印

奏差一人掌齋衍聖公表箋

奏章

隨朝伴官六人

以上並正七品

掌隨從衍聖公朝

覲辦事自司樂以下為兵農禮樂四司初無常員
遇朝覲輒咨部給銜乾隆十五年始額定六員以
上官皆由衍聖公保舉咨部補授

皇朝通典卷三十二

欽定四庫全書

皇朝通典卷三十三

職官

十一

京尹

府尹

副使

丞治中

通判

經歷

照磨

司獄

典史

牘官

教授

訓導

順天府尹漢人一人掌

京畿治理凡田賦出納之政以時勾稽會直隸總督
而上其要於戶部凡師行則和雇民車歲以立春

前一日率僚屬迎春東郊遂進春於

宮門退而頒春於民間以勸東作

耕耨則具耒耜絲鞭實青箱以種耜奉之以從鄉試則

充監臨凡考試咸司其供具焉 丞漢人一人掌

學校之政令鄉試則充提調官以佐尹而經理之

員額俱順治元年定雍正元年以來以部院大臣

兼管府事皆由

特簡無定員 治中漢人一人掌供文武鄉試之饗餼

製卷以授諸生 通判漢人一人掌京城各市牙

儉之籍而權其常稅鄉試則治其名簿焉

初設治中一人

通判三人推官一人順治六年省
通判二人康熙六年省推官員額

經歷司經歷

漢人一人掌出納文移 照磨漢人一人掌鄉試

繕冊彌封之事 司獄司司獄漢人一人掌刑部

所送軍流徒罪人收繫而發遣之 崇文門副使

漢人一人掌守崇文門庫藏員額俱順治元年定

舊設有知事一人檢校一人康熙六年省庫大使
一人康熙三十九年省崇文門大使一人康熙四

欽定四庫全書

皇朝通志
卷三十三

十年
省 大興縣知縣一人 宛平縣知縣一人 各

掌其縣之政令與五城兵馬司分壤而治撫輯良民緝禁姦匪以安畿輔品秩服章視外縣加一等

大興縣縣丞一人 典史一人 巡檢三人 牘

官一人 宛平縣縣丞二人 主簿一人 典史

一人 巡檢四人 牘官一人 咸佐知縣以分掌

其事焉

初設有廣祿牘官順治十年省張家灣宣課大使一人康熙四十年省遞運所大

使一人康熙三十八年省

儒學教授滿洲漢人各一人訓導

滿洲漢人各一人掌八旗及京師黌序訓課之政
初設府學教授一人訓導六人京衛武學漢人教
授一人訓導二人順治二年省武學訓導員缺三
年省府學訓導四人康熙四年又省二人十五年
復設府學訓導武學訓導各一人雍正三年改京
衛武學為順天府武學四年罷武學之制增置儒
學滿洲教授訓導各一人謹按順天府初止轄
大興宛平二縣康熙十五年始以昌平良鄉等州
縣併直隸順天府今所屬自大興宛平以外凡州
縣二十有五設東西南北四路同知以分領之皆
兼統於直隸總督其職制員數已別載入州縣篇
故不具
於此卷

奉天府尹滿洲一人掌

留都治化與其禁令 丞漢人一人掌學校考試以
為之貳

國初設遼陽府知府順治十四年改建奉天府置尹
一人康熙三年增置丞一人乾隆三十年始以
盛京侍郎兼管奉天府尹事務皆由

特簡無常員 治中漢人一人 通判滿洲一人

興京理事通判滿洲一人 儒學教授漢人一人

經歷司經歷漢人一人 司獄司司獄漢人一人

分掌府屬之政令

治中通判康熙三年置興京通判乾隆二十八年置教授經

歷初皆屬遼陽府順治十四年改隸奉天府旋設訓導一人後省司獄康熙七年置又初設有奉天

府推官一人

承德縣知縣滿洲一人典史漢

康熙六年省

一人職掌品秩與大興宛平二縣同員缺俱康

熙三年置

舊有縣屬巨流河巡檢一人乾隆四十二年省所屬府州縣俱詳府縣卷中

總督巡撫

總督直隸一人

駐保定府

江南江西一人

駐江甯府

福建

浙江一人

駐福州府

湖北湖南一人

駐武昌府

四川一

人駐成陝西甘肅一人駐甘肅廣東廣西一人駐廣

東廣雲南貴州一人駐雲南掌總治軍民統轄文武

考覈官吏修飭封疆直隸初設巡撫後加總督銜

後又改為直隸總督仍管巡撫事又有三省總督

駐大名府兼轄山東河南又有宣大總督駐山西

大同府以宣化府屬之後俱省兩江總督初兼轄

河南後定為兩江總督轄江蘇安徽江西湖廣總

督初為川湖總督後定為湖廣總督轄湖北湖南

四川初設巡撫後裁設總督兼管巡撫事陝甘總督初兼轄四川改轄山西後定為陝甘總督轄陝西甘肅雲貴總督初兼轄廣西後定為雲貴總督轄雲南貴州又河南初設河東總督轄河南山東後省凡總督例兼都察院右都御史銜其應否兼兵部尚書銜由吏部請

旨定奪間有

擢任大學士奉

特旨留任者

巡撫直隸一人

總督燕

山東一人

駐濟南府

山西一人

駐太

原河南一人

駐開封府

江蘇一人

駐蘇州府

安徽一人

駐安慶府

江西一人

駐南昌府

福建一人

駐福州府

浙江一人

駐杭州府

湖

北一人

駐武昌府

湖南一人

駐長沙府

陝西一人

駐西安府

甘肅

一人

總督燕

廣東一人

駐廣州府

廣西一人

駐桂林府

雲南一

人

駐雲南府

貴州一人

駐貴陽府

掌宣布

德意撫安齊民修明政刑興革利弊考羣吏之治會總

督以詔廢置三年大比獻賢能之書則監臨之其
武科則主考試直隸初設順天巡撫正保巡撫宣
府巡撫後併定為直隸巡撫以總督兼管江南初
設廬鳳巡撫後定為安徽巡撫江西初設南贛巡
撫湖北初設鄖陽巡撫後俱省湖南初設偏沅巡
撫後改湖南巡撫陝西初設延綏巡撫寧夏巡撫
後俱省凡巡撫例兼都察院右副都御史銜其應
否兼兵部侍郎銜由吏部請

旨定奪

漕運各官

總督漕運
同知通判

巡視漕務
押運通判

糧道
漕標副將
管糧
以

下官

領運

守備千總

總督漕運一人掌督理漕輓以足國儲凡收糧起

運過淮抵通皆以時稽覈催償而總其政令

駐劄
淮安

康熙二十一年定制糧艘過淮後總漕隨運北上

率所屬官弁相視運道險易調度全漕察不用命

者俾舳舻相接畢度天津入

覲述職以重官守 巡視漕務四人掌稽察所巡之地

挑淺疏滯趲程糾弊以肅朝政以給事中御史掄

選

簡充一年而代順治初沿明制遣御史巡漕七年裁巡

漕御史以糧道逐程分押雍正七年以糧船過淮

抵通多有陋規分遣御史二人往淮安稽察二人

往通州稽察乾隆二年定制巡漕御史四人一駐

淮安巡察江南江口至山東界一駐通州巡察至

天津一駐濟寧巡察山東臺莊至直隸界一駐天津巡察至山東界 督糧道江南二人山東河南江西浙江湖南湖北各一人掌監察兌糧督押運艘而治其政令江南江安糧道駐江寧蘓松糧道駐常熟山東糧道駐德州河南以開歸道兼理及江西浙江福建湖南糧道並駐省城每年糧船起幫督押過淮盤驗畢回任料理新糧山東河南糧道每年押運抵通雍正四年令總漕於江蘓二糧

道內每年委一人親押過山東入牘俟江南糧船
盡數過淮即回本任乾隆四十八年定各省糧道
俱押本省糧船抵臨清盤驗方面本任惟山東糧
道上下僨運俟總漕押送尾幫抵臨清然後回任

謹按明時十三省各以布政司叅議督糧 國朝
亦沿明制各省並設督糧道以司倉儲江南山東
河南江西浙江兩湖兩外若福建陝西廣東雲南
貴州皆有糧道甘肅有巴里坤糧道然皆非總漕
所轄于漕
事無與 管糧同知六人 通判三十二人掌

監兌漕糧凡米色之美惡兌運之遲延及運軍橫

肆苛求衙役需索姦蠹包攬攬和等弊皆司其禁
戢之政初漕糧以府推官監兌康熙六年各府推
官既裁改委同知通判山東以武定府同知濟南
兗州東昌泰安曹州五府通判河南以歸德衛輝
懷慶三府通判江南以江寧蘓州松江鳳陽四府
管糧同知蘓州安慶寧國池州太平廬州揚州七
府管糧通判松江鎮江徐州三府糧捕通判淮安
府軍捕通判浙江以湖州府同知杭州嘉興二府

通判江西以南昌吉安臨江三府通判湖北以武

昌漢陽黃州安陸德安荊州六府通判湖南以長

沙衡陽岳州三府通判押運同知通判十六人

掌督押糧艘管束運軍禁沿途遲延侵盜攬和之

樊山東一人河南一人江南七人

舊制五人乾隆元年增二人

浙江三人江西二人

舊制一人乾隆元年增一人

湖北一人

舊制

四人乾隆元年裁三人

湖南一人總漕會同督撫於各省同

知通判內選委抵通日倉場侍郎送部引

見部給限單管押回空到淮總漕察覈逾限者叅處

漕標副將一人遊擊一人都司二人守備二人管
理塘務一人千總四人把總十人掌催護糧艘漕
標副將所屬中營都司一人守備二人左營都司
一人右營遊擊一人管理塘務一人左右哨千總
四人把總十人領運守備五人衛守備九人守禦
所千總十三人千總一百八十六人隨幫効力武
舉每幫一人漕糧領運直隸通州左所右所天津

左所右所領運千總各一人

均領河
南運

山東濟寧州

衛守備一人前後及前左後右漕船四幫任城一

幫每幫領運千總二人德州衛德州左衛東平守

禦所東昌衛濮州所平山前幫後幫領運千總各

二人臨清衛山東前幫後幫

領本
省運

河南前幫後幫

領河
南運 薊糧幫

運送直
隸薊州

每幫領運千總二人

江南

江安糧道所屬興武江淮二衛守備各一人漕船

各九幫淮安衛守備一人漕船四幫大河衛守備

一人漕船三幫揚州衛守備一人漕船三幫儀徵

一幫徐州衛守備一人本衛漕船一幫河南前後

二幫

領河
南運

安慶新安宣州建陽廬州滁州泗州七

衛漕船各一幫鳳陽衛守備一人本衛漕船常州

一幫原鳳中常州三幫長淮衛守備一人本衛漕

船四幫宿州衛二幫每幫領運千總二人 浙江

杭州衛漕船四幫嘉興衛湖州嚴州二所各一幫

台州温州二衛各二幫每幫領運千總二人紹興

處州二衛漕船前幫領運守備各一人千總各一人後幫領運千總各二人海寧衛金衢所領運守禦千總各一人衛千總各一人江西南昌衛漕船前幫領運守備一人千總一人後幫領運千總二人袁州贛州二衛漕船各一幫領運守備各一人千總各一人九江衛漕船二幫領運千總各二人吉安安福永新撫州建昌廣信鉛山饒州八所漕船各一幫領運守備千總各一人衛千總各一人湖

北武昌衛武昌左衛蘄州黃州襄陽沔陽岳州五
衛荊州衛荊州左衛右衛湖南三幫領運千總各
一人以上各省各幫每幫隨幫効力武舉一人

白糧領運江蘇蘇州府太倉州運白糧船共一幫

松江常州二府各一幫浙江嘉興湖州二府各一

幫領運千總每幫各二人隨幫効力武舉各一人

河道各官

河道總督 河庫道 河道 管河同
知 通判 州同 知縣 縣丞 主

簿 巡檢 吏目 典史 貼官 河

標副將以下官 河營叅將以下官

河道總督江南一人

駐淮安清江浦

掌黃淮會流入海洪

澤湖汕黃濟運南北運河洩水行漕及瓜洲江工

支河湖港疏濬隄防之事 山東河南一人

駐濟寧州

掌南河南下汶水分流運河蓄洩及支河湖港疏

濬隄防之事 直隸一人掌漳衛入運歸海永定

河疏濬隄防之事以總督兼管順治初止設總河

一人總理黃運兩河事務駐劄濟寧州康熙十六

年以後江南河工緊要移駐清江浦雍正二年以

河南武陟中年等縣隄工緊要設副總河一人駐
劉濟寧州總河兼理南北兩河副總河專理北河
七年改總河為總督江南河道副總河為總督河
南山東河道分管南北兩河初南北兩總河並兼
兵部尚書右都御史銜乾隆四十八年奉

旨以總河無地方之責況又有道員陞署及簡擢初任
之員嗣後但給與兵部侍郎右副都御史銜著為
令直隸河道總督雍正八年置河庫道一人河道

十一人河庫道駐劄清江浦掌出入河帑而歲要
其成於總督江南淮徐河道駐徐州淮揚河道駐
淮安山東運河道駐濟寧直隸永定河道駐固安
皆掌專理河務山東兗沂曹蕪管黃河道駐兗州
河南開歸陳道駐開封彰衛懷道駐武陟直隸通
永河道駐通州天津河道駐天津清河道駐保定
大廣順河道駐大名皆掌分巡所屬而蕪理河務
其山東運河道河南二道直隸五道又蕪掌河帑

之出納 管河同知二十七人通判二十五人州
同十人州判二十人縣丞七十三人主簿六十九
人巡檢二十五人吏目二人典史四人兼管河務
知縣十八人江南淮徐河道轄銅沛邳睢宿虹桃
源同知四人豐蕭碭宿遷運河通判二人二十四
汎州同州判各一人縣丞五人巡檢七人內大壩
運河二汎各巡檢二人主簿十有二人淮揚河道
轄山清裏河山清外河山安海防江防同知五人

高堰山盱桃源安清中河揚河揚糧水利通判六
人三十八汛州同州判各三人縣丞十有四人主
簿十人巡檢八人又西溪司安豐司管河巡檢各
一人山東運河道轄運河邳沂海贛同知二人沭
河捕河上河下河泉河通判五人二十八汛州同
州判各三人縣丞九人內一丞管二汛主簿十有
二人分理泉州州同二人府經歷三人縣丞六人
巡檢一人兗沂曹道轄曹單黃河同知一人四汛

欽定四庫全書

皇朝通典

卷三十三

縣丞一人主簿二人巡檢一人河南開歸道轄上
南河下南河同知二人儀考商虞通判二人十二
汎州判一人縣丞七人主簿四人彰衛懷道轄懷
慶黃河開封上北河下北河同知三人彰德河務
衛輝鹽河懷慶河務曹儀河務通判四人二十汎
縣丞八人主簿十人巡檢二人又林縣管河典史
一人直隸永定河道轄石景山永定河南岸北岸
同知三人三角淀通判一人十五汎州判三人縣

承主簿各五人吏目二人通永河道轄北運河務
關同知一人北運河楊村蘄運糧河通判二人十
三汛州同一人州判四人縣丞三人主簿五人天
津河道轄南運河津軍河間河捕同知二人泊河
子牙河通判二人西汛清河故城吳橋管河縣丞
各一人東汛景州滄州管河州判各一人天津管
河縣丞一人東光交河南皮青靜海獻管河主簿
各一人青縣管河巡檢一人清河道轄保定河捕

同知一人正定糧馬河通判一人分汛冀州祁州
安州管河州判各一人武強隆平寧晉蕪河務知
縣各一人清苑蠡高陽新安雄安肅新城管河縣
丞各一人保定任唐管河主簿各一人滿完方順
橋管河巡檢各一人深澤管河典史一人大廣順
河道轄廣大漳廣平河務漳河同知三人分汛永
年邢臺沙河南河平鄉廣宗鉅鹿唐山內邱任元
城大名魏長垣管河縣丞各一人永平成安管河

典史各一人凡河務自管河同知以下為專司知

縣為兼職各掌沿河堤堰壩牘歲修搶修及挑濬

淤淺導引泉流并江防海防各工程同知通判總

理督率州同州判以下分汛防守 牘官四十三

人掌司牘之啟閉以時蓄洩江南十四牘牘官十

有一人

內一官
管四牘

山東四十八牘牘官三十一人

內一

官管二牘者九一
官管三牘者四

直隸一人 江南河標副將

二人遊擊一人都司三人守備二人管理塘務一

人千總八人把總十有六人管理塘務二人河東
河標副將一人遊擊二人都司一人守備二人管
理塘務一人千總六人把總十有二人掌催護工
程江南河標中軍副將一人其屬中軍都司一人
管理塘務一人左右哨千總二人把總五人河標
左營副將一人其屬中軍都司一人千總二人把
總三人右營守備一人千總一人把總二人蕭營
都司一人把總二人河標右營游擊一人其屬中

軍守備一人左右哨千總三人把總四人河東河
標中軍副將一人其屬都司一人管理塘務一人
千總二人把總四人河標左營游擊一人其屬守
備一人千總二人把總四人右營亦如之 江南
河營叅將一人遊擊二人守備二十人千總十有
七人把總三十人葦蕩營叅將一人守備二人千
總二人山東黃運河營守備一人千總五人把總
二人東昌德州二衛管河守備各一人德州運河

南北兩岸管河千總各一人河南豫河懷河二營
守備各一人協辦守備各一人千總四人把總三
人直隸永定河河營守備一人千總九人把總十
有五人凡河營叅將以下皆掌河工調遣及守汛
防險之事葦蕩營叅將以下掌採葦蘆以供修築
隄埽之用江南河營叅將轄淮徐營游擊一人九
營守備九人二十一汛千總八人把總十有三人
淮揚營游擊一人十一營守備十有一人二十六

汛千總九人把總十有七人葦蕩營叅將轄左右
營守備千總把總各二人山東黃運河營守備轄
七汛千總五人把總二人河南豫河懷河二營守
備轄七汛千總四人把總三人直隸永定河營守
備轄南北岸淀河三汛千總把總各一人石景山
汛千總一人北運河汛千總把總各三人南運河
汛千總一人把總八人東淀堡船千總一人西淀
堡船把總一人

皇朝通典卷三十三

欽定四庫全書

皇朝通典卷三十四

職官

十二

司道

布政使司經歷

按察使司理問

都事守道

照磨巡道

庫大使布政使

倉大使

按察使司經歷

知事

照磨

司獄

各道庫大使倉大使

承宣布政使司布政使直隸山東山西河南江寧

蘇州安徽江西福建浙江湖北湖南陝西甘肅四

川廣東廣西雲南貴州各一人掌一省之政司錢

穀之出納

朝廷有德澤禁令承流宣布以達於有司闔省僚屬以時頒其祿俸滿秩廣其稱職不稱職報督撫以達於吏部十年會戶版均稅役登民數田數以達於戶部凡諸政務與督撫會議經畫而行之

國初每省設承宣布政使司置左右布政使各一人順治十八年分江南布政使司為江蘇安徽各二人康熙二年分陝西布政使司為陝西甘肅各二

人三年分湖廣布政使司為湖北湖南各二人六年去左右繫銜每省止設布政司一人初以直隸近在畿甸不設藩司以口北守道兼山西布政司銜康熙八年增設直隸守道一人總司錢穀雍正二年改為布政使乾隆二十五年分江蘇布政使為江寧蘇州各一人布政使司經歷直隸山東山西河南江蘇安徽江西福建浙江湖北陝西四川廣東廣西雲南貴州各一人掌出納文移理

問直隸江寧蘇州江西浙江湖南陝西雲南各一人掌勘核刑名 都事河南福建各一人掌受發文移 照磨山西福建浙江湖北甘肅四川廣東各一人掌照刷卷宗 庫大使直隸山東山西河南江寧蘇州安徽江西福建浙江湖北湖南陝西甘肅四川廣東廣西雲南貴州各一人掌司庫藏之出入 倉大使安徽一人掌檢稽倉庫

經歷等官員額

俱康熙六年定直隸員額雍正二年定理問初各布政使俱設惟貴州不置康熙三十八年省福建

廣東廣西四川各一人雍正二年又省山東山西
河南安徽湖北甘肅各一人乾隆二十五年增設
江寧一人又初置有副理問康熙三十八年省都
事初置福建河南江西山西布政司各一人康熙
三十八年省江西山西二人照磨初各布政司俱
置康熙三十八年省山東河南廣西雲南江蘇安
徽江西陝西湖南貴州各一人庫大使初置山西
三人江西南湖廣各二人浙江江西福建山東河南
陝西廣東雲南貴州各二人後省山西二人乾隆
元年又增置直隸甘肅四川各一人二十五年增
設江寧一人又初置有各布政司檢校
庫副使寶源局大使副使等官後俱省

提刑按察使司按察使直隸山東山西河南江蘇
安徽江西福建浙江湖北湖南陝西甘肅四川廣

東廣西雲南貴州各一人掌全省刑名按劾之事
振揚風紀澄清吏治大者與藩司會議以聽於部
院理闔省之驛傳三年大比為監試官大計為考
察官秋審為主稿官與布政使稱兩司員額順治
年間定江南陝西湖廣分省添設與布政使同初
直隸不設臬司以大名巡道兼河南按察使銜通
永天津道俱兼山東按察使銜霸昌井陘道俱兼
山西按察使銜康熙八年增設直隸巡道一人總

理刑名三十八年省井陘道雍正二年改直隸巡
道為按察使 按察使司經歷直隸山東山西河
南江蘇江西福建浙江湖北陝西四川廣東廣西
雲南各一人職掌與布政司屬同 知事江西一
人掌勘察刑名 照磨安徽福建浙江湖南甘肅
廣東貴州各一人職掌與布政司屬同 司獄直
隸山東山西河南江蘇安徽江西福建浙江湖北
湖南陝西四川廣東廣西雲南貴州各一人掌管

理繫囚

經歷等官員額俱康熙六年定直隸員額雍正二年定知事初設江西福建山西廣

東廣西各一人康熙三十八年裁福建山西廣東廣西各一人照磨每省一人康熙三十八年裁山

東河南江西廣西雲南江蘇陝西山西湖北四川各一人又初置有各省檢校後俱省

各道

初制叅政道從三品副使道正四品叅議道從四品僉事道正五品乾隆十八年省去

銜俱改為正四品

直隸口北道霸昌道通永道天津道清

河道大名道熱河道各一人山東督糧道濟東泰

武臨道登萊青道兗沂曹道各一人山西冀寧道

河東道雁平道歸綏道各一人河南開歸陳許道

糧鹽道南汝光道河北道河陝汝道各一人江南
江安糧儲道蘇松糧儲道常鎮通道松太道鹽巡
道鳳廬道寧池太廣道各一人浙江督糧道鹽法
道寧紹台道溫處道杭嘉湖道金衢嚴道各一人
江西督糧道鹽法道廣饒九南道吉南贛寧道各
一人福建督糧道鹽法道興泉永道延建邵道汀
漳龍道臺灣道各一人湖北督糧道鹽法道荆宜
施道安襄鄖道武漢黃德道各一人湖南糧儲道

鹽法長寶道衡永郴桂道岳常澧道辰永沅靖道
各一人陝西督糧道鹽法道潼商道漢興道延榆
綏道各一人甘肅甘涼道平慶道鞏秦階道蘭州
道寧夏道西寧道安肅道鎮迪道各一人四川鹽
茶馬道松茂道川東道建昌道永寧道川北道各
一人廣東督糧道惠潮嘉道肇羅道雷瓊道南韶
連道高廉道各一人廣西蒼梧道左江道右江道
各一人雲南糧儲道鹽法道迤西道迤東道迤南

道各一人貴州督糧道貴西道古州道各一人分
守分巡及糧儲鹽法各道或兼兵備或兼河務或
兼水利或兼學政或兼茶馬屯田或以糧鹽兼分
巡之事皆掌佐藩臬覈官吏課農桑興賢能礪風
俗簡軍實固封守以倡所屬而廉察其政治

國初設布政司左右叅政叅議曰守道設按察使副
使僉事曰巡道有通轄全省者有分轄三四府州
者各以職事設立於要地後因時裁設銜額無定

均視其陞補之本職為差如由京堂等官補授者為叅政道由掌印給事中知府補授者為副使道由科道補授者為叅議道由郎中員外主事同知補授者為僉事道守巡皆同乾隆十八年省去叅政叅議副使僉事等銜定為守巡各道 各道庫大使直隸山東江西福建浙江湖北湖南雲南各一人江蘇二人倉大使陝西廣東各一人庫倉大使掌各道之庫藏倉庾皆因所掌之事先後設定

員額

府州

知府
經歷

直隸州知事

州知州
照磨

各府同知
司獄

宣課司

通判
大使

引批

稅課司大使

倉大使

長官司吏目

檢校

庫大使

茶

大使

州判

吏目

巡檢

驛丞

開官

稅課司

各府知府奉天府一人直隸山東福建湖北廣東

各十人陝西七人江蘇安徽各八人山西河南甘

肅湖南各九人浙江廣西四川各十一人江西貴

州各十三人雲南十四人掌一府之政統轄屬縣

宣理風化平其賦役聽其獄訟以教養萬民凡闔
府屬吏皆總領而稽覈之

國初定制每府設知府一人順治十八年江南分省
康熙二年陝西分省三年湖廣分省各以其府分
隸之嗣後各府互有建置裁併員額亦因之增減
焉又初制知府正四品乾隆十八年改從四品

同知直隸二十四人江蘇二十三人浙江十五人
安徽貴州各七人山東十二人陝西六人山西江

西各十一人河南甘肅廣西各八人福建湖北廣東四川各十人湖南九人雲南十三人分掌督糧捕盜海防江防清軍理事撫苗水利諸事 通判

奉天府一人直隸安徽湖北各八人江蘇十六人山東河南各十一人山西浙江江西湖南各十人陝西三人甘肅廣西雲南貴州各六人福建廣東各七人四川九人分掌糧運督捕水利理事諸務均各量地置員以佐知府之政治其有兼理民事

直隸於各省者其職如各府各直隸州之制而品級則同

國初每府設同知通判或一二人或三四人不等嗣後酌量繁簡因時裁設又各府舊設推官專掌讞獄之事康熙六年裁各府經歷直隸湖北湖南廣西各十人江蘇六人安徽河南廣東各八人山東山西甘肅福建各九人陝西四人浙江雲南各十一人江西四川貴州各十一人各府知事江

蘇三人浙江一人廣西二人雲南五人 各府照
磨江蘇五人安徽河南各一人陝西浙江各四人
甘肅貴州各二人江西十二人四川十人掌受發
文移磨勘卷宗 各府司獄直隸四人江蘇安徽
河南陝西四川貴州各一人山東十人山西廣西
各三人浙江湖北各六人福建廣東各八人湖南
二人雲南五人掌察理繫囚 各府宣課司大使
江蘇三人 各府稅課司大使浙江四人廣東一

人 各府倉大使直隸二人山西陝西各一人
各府檢校江蘇三人 各府庫大使山西一人
各府茶引批驗所大使江蘇一人 各府長官司
吏目貴州三人各守其職以分理府屬之事

各直隸州知州直隸甘肅各六人江蘇廣東各三
人安徽陝西各五人山東福建各二人山西十人
四川九人河南湖南雲南各四人江西廣西各一
人掌直隸州一州之政令其規制與知府同惟無

倚郭縣其所治州即以知州行知縣之事

國初各直隸州俱置知州一人嗣後或以府改設析置或以府屬州升或省併入各府其員額亦因之增減焉 各直隸州同直隸安徽四川各三人江蘇山東陝西甘肅福建各一人河南廣東各一人州判直隸五人江蘇安徽山東陝西廣東廣西各二人山西湖南各四人河南甘肅各三人江西雲南各一人四川七人所掌如府同知通判之職

以貳各州而佐其政治其員額因事之繁簡並隨
各州升改之制而建置焉 各直隸州吏目直隸
甘肅各六人江蘇廣東各三人安徽陝西各五人
山東福建各二人山西十人四川九人河南湖南
雲南各四人江西廣西各一人掌禁戢姦宄防護
獄囚典司簿籍 各直隸州巡檢直隸山東甘肅
江西廣西各一人江蘇七人安徽山西廣東四川
各五人福建二人湖南雲南各三人 各直隸州

驛丞直隸山西四川各一人 各直隸州開官山東八人 稅課司大使江蘇山東各一人各掌其職與各縣所屬同員額隨州建置復因地裁減如今制焉

州縣

知州 巡檢

如縣 驛丞

各州州同 庫大使

州判 開官

各縣縣丞 吏目

主簿 使 河泊所官

巡檢 典史

驛丞 倉官

開官

稅課大使

知州順天府五人奉天府四人直隸十二人江蘇安徽湖南各三人山東九人山西陝西各五人河

南六人甘肅湖北廣東各七人浙江江西各一人
廣西十六人四川十一人雲南二十七人貴州十
四人掌一州之政治以縣之地大而事繁者升而
置之所統轄一如縣制

國初每州置知州一人嗣後隨地制宜或由特設或
由縣升或以屬州升為直隸州其員額亦因時而
增減焉 州同順天府一人江蘇安徽各三人山
東六人河南甘肅江西湖南四川雲南各一人陝

西貴州各二人湖北四人廣西十人州判順天府三人直隸七人江蘇甘肅湖南四川各二人山東河南廣西各五人陝西浙江江西各一人湖北廣東雲南各四人貴州三人分掌各州糧馬巡捕之事州吏目順天府五人奉天府四人直隸十人江蘇安徽湖南各三人山東九人山西陝西各五人河南六人甘肅七人浙江江西各一人湖北廣東各七人廣西二十三人四川十一人雲南

二十七人貴州十四人掌輔理各州之刑禁各
州巡檢順天府一人奉天府一人直隸四川各五
人江蘇廣西雲南各七人安徽六人山東四人山
西江西各二人河南浙江各一人湖北廣東各十
三人湖南貴州各三人各州驛丞順天府一人河
南陝西貴州各一人四川一人各州庫大使順天
府一人各州閘官順天府一人江蘇二人山東三
人各因所屬分地而掌其職事

國初每州置州同州判各官因事之繁簡無定員惟吏目每州一人嗣後因時裁設凡縣之升為州者並置各屬員如今制焉

各縣知縣順天府十九人奉天府八人

順天府奉天府京縣

知縣已見前卷

直隸一百五人江蘇六十二人安徽五十

人山東九十五人山西八十八人河南九十四人

陝西七十三人甘肅五十二人浙江七十六人福

建六十二人江西七十五人湖北六十人湖南六

十四人廣東八十一人廣西四十九人四川一百
十一人雲南三十九人貴州三十四人掌一縣之
政令平賦役聽治訟興教化厲風俗凡養老祀神
貢士讀法皆躬親厥職而勤理之

國初每縣置知縣一人嗣後因地增設或屬於府或
屬於直隸州繁要則升為州其州之簡者亦改為
縣各因時裁置而定其員額焉 各縣縣丞順天
府三人直隸十八人江蘇五十九人安徽十七人

山東三十五人山西五人河南三十三人陝西十
五人甘肅廣西各六人浙江四十六人福建二十
九人江西五十五人湖北二十三人湖南十三人
廣東二十人四川二十一人雲南四人貴州七人
各縣主簿順天府二人直隸五人江蘇三十七
人安徽陝西甘肅各三人山東河南各十三人山
西福建湖北湖南廣東廣西各一人浙江十一人
江西二人分掌糧馬征稅戶籍巡捕之事以佐其

縣 各縣巡檢順天府四人奉天府六人直隸四
十一人江蘇八十五人安徽五十三人山東二十
人山西三十三人河南十五人陝西十三人甘肅
七人浙江四十人福建六十六人江西八十八人
湖北六十八人湖南六十五人廣東一百二十九
人廣西六十八人四川九十五人雲南十六人貴州
四人掌緝捕盜賊盤詰奸偽凡州縣關津要害並
設之 典史順天府十五人奉天府七人各直省

員數與知縣同掌監察獄囚如無丞簿則兼領之
各縣驛丞順天府一人直隸九人山西河南陝
西各六人甘肅江西二人四川一人浙江四人興
郵傳迎送 各縣關官江蘇十一人山東十四人
掌漕洩啟閉事 各縣稅課大使江蘇二人浙江
三人典商稅之事 各縣河泊所官廣東二人掌
收魚稅 各省倉官奉天府九人

國初每縣置縣丞各官因事多寡無定員惟典史每

縣一人嗣後縣丞因時裁設並因各縣之升改分
併而定其員額焉

皇朝通典卷三十四